

AMA BATEN SENTIMENTUA.

Ardiak ogin pekatu
baña bildotsak pagatu. (Esaerea).

Laster mutilltzen da larrosa bat,
Zotz bat bereala ausi,
Kristal bat brintznn golpeaz errez,
Argi bat putzaz itzali:
Modu berean baten aín laster
Biotza jatan erdi bi,
Uste bagako barri samin bat
Jatalako eldu neuroni.

Egazti batek maitetuten dau
Chit asko bere abia.
Lañoak legez baita lurrinak
Laztandu oi dabe goya:
Ichas orratzak ipar aldea,
Arriak bere ertegia,
Alanche maite nik bere neban
Seine bat maitegarria.

Zorioneko edo charreko,
Gerra bat emen sortu zan,
¡Zeinbat ama on semea bagarik
Gaizki ipiñi ginduzan!
Garaitza zala kanpaiak joaz
Jolasa ugari bazan
Baña ez dakit biamonean
Zelan miñez ill ez nintzan.

Armadatzar bat musika joten
Sartuten jaku errian,
Ni bizi nintzan eche aurretik
¡Biba gu! oska bajoian,

Soldadu batek diño penaurik
«Jose ill jaku goisian,
» Beraren ama gaisoa ustez
» Bizi da orche echian.»

Chimistak ez dau iñoz aín errez
Zugatz igarrik urratu,
Zeinda berba areek nire biotza
Eben guztia zatitu;
Ez eguzkiak inoz aín laster
Edur tantarik bere urtu,
Zelan barri ak nire begiok
Malko zituzan biurtu.

Seme bat euki bera soldadu
Eroan eusten gerrara,
Orduan etzan beste nausirik
Agintari zan indarra;
Eta gaur barriz zartzarorako
Dot semearen bearra,
Baña niria kendu eustanak
Ez deust gozotzen negarra.

Euskal-errian esaera au
Anchiñakoa daukagu!
Ardiak egin pekatu eta
Bildotsak bear pagatu,
Esakune au asman ebanak
Ea eban ezer erratu,
Ama gaso au egia orren
Una emen bat testigu.

FELIPE ARRESE TA BEITIA.